

Goibekokale

ELGETA / Barikua / 2002ko maiatzaren 17a / 98. zenbakia

KOORDINATZAILEA: Oxel Erostarbe • Barrenkalea 33 20570 BERGARA • Tel.: 943 76 92 71 • Faxa: 943 76 29 77 • Posta elektronikoa: goibekokale@goiena.com

Elgetan amaituko da aurten Emakumeen Birako erlojupekoa

IRATI AGIRREAZALDEGI

Datorren ekainaren 12an hasiko da lurretan aurtengo Emakumeen Bira. Guztira, lau etapa eta erlojupeko proba jokatu dituzte txirrindulariek. Erlojuaren aurkakoa Elgetan amaituko da ekainaren 14an eta hurrengo eguneko etapa Uberan hasiko dute.

Lau etapa eta erlojupeko proba izango ditu aurtengo Emakumeen Birak. Iurretako Txirrindulari Taldeak hamasei urtez jarraian antolatu duen lasterketa ekainaren 12an hasiko da Iurretan eta bertan izango du amaiera ekainaren 15ean.

Tartean Elgeta ere bisitatuko dute txirrindulariek. Ekainaren 14an, Elorriotik abiatuta, 5,8 Km.ko erlojupeko proban aritu behar dira eta etapa honek Elgetan izango du amaiera.

Hurrengo egunean, berriz, Ubera auzoan hasiko da Emakumeen Birako azken etapa eta Iurretan amaituko da lasterketa.

Emakumeen artean goi mailan ari diren txirrindulariek hartuko dute parte. Esaterako, Bizkaia-Spiuk-Sabeko taldeko Joane



Joane Somarriba, orain dela bi urte Elgetan garaile izandakoa, aurten ere partaideen artean izango dela iragarri dute.

Somarriba, orain dela bi urte Elgetan amaitu zen etapan txapeldun izandakoa nor baino nor arituko da, beste hainbat txirrindulari euskaldunekin.

EUSKAL BIZIKLETA DOMEKAN

Bestalde, jadanik martxan da aurtengo Euskal Bizikleta. Ekainaren 4an hasi eta 8ra bitartean jokatu da proba, eta azken eta-

pan, domekan, txirrindulariak Elgetatik pasatuko dira. Etaparik gogorrena dela diote, besteak beste, mendiko zortzi portu igo behariko baitituzte.



Txapela taldea derbiko irabazle

Elgetako bi taldek elkarren aurkako derbia jokatu zuten zapatu arratsaldean areto futbol txapelketan. Txapela taldekoak nagusitu ziren La Kokotxako jokalarien gaitetik. Esperientzia gradu bat dela erakutsiz Txapelakoek 11 gol sartu zieten gazteagoei eta hauek bakarria egin zuten.

Jardunaldi honen ostean, La Kokotxakoek puntu bat bera ere lortu gabe jarraitzen dute partidu guztiak galdu baitituzte. Txapelak, berriz, jokatuak lau partidutatik bi irabazi ditu./I.A.

LABUR

Bi hilabeteen behin batuko dute erabilitako olioia

Debagoieneko Mankomunitateak "Puntu Berde Mugikorra" izenpean etxean erabilitako olioia eta hondakin arriskutsuak biltzeko zerbitzua jarriko du martxan. Orain arte, hilean behin, Udalen bitartez, egiten zen olio biltzea Elgetan, baina hementik aurrera bi hilabeteen behin egongo da kamioia herriko plazan lau orduz. Olioaz gain, erradiografiak, pilak, bateriak, tonerrak... bezalako hondakin arriskutsuak ere batuko dituzte.

Mendi Museoko lanak aurreratzea eskatu du Udalak

Elgetako Udalak Debagoieneko Lurralde Planaren gaineko hiru alegazio aurkeztu ditu. Horietako bat herriko ekipamendu eta espazio libreen gainekoa da. Besteak beste Mendi Museoa egiteko lanak planaren lehenengo lau urtekorra (2003-2006) aurreratzeko eskaria egin du Udalak. Horretarako Mendi Federazioarekin elkarlanean arituko litzateke Udala, museoaren kokapena zehazteko. Honetaz gain, kirol guneak aisialdi leku izendatzea eskatu du.

Egunkariaren aldeko zozketa txartelak salgai

Egunkariaren aldeko Elgetako herri batzordeak, euskarazko egunkari berriaren proiekturako dirua lortzeko asmoz zozketa egingo du. Horretarako, txartelak jadanik jarri dituzte salgai herriko tabernetan. Elgetarrek euro baten truke erosi ahal izango dituzte txartelak eta horrekin Ostatu jatetxean aitari bat irabazteko aukera izango dute. Zozketa batzordea prestatzen ari den Egunkariaren aldeko egunean egingo dute.

JAIK

Asentzio Eguneko jaia euripean amaitu zen

I.A.
Asentzio Eguna ospatu zuten elgetarrek joan den domekan. Goiz-rako antolatutako mendi ibilaldian jende gutxi hartu zuen parte. Baina txorizo usaina hartuta-edo, pixkanaka Gure Borda elkartera inguratu ziren herri-tarrak hamaiketako egitera.

Bitartean, herriko txiki-ek txorizoa amu moduan erabiliz karramarro gehien zeinek harra-patu lehian jardun zuten.

BAZKARIA PAGOPEAN

Eguraldiaren beldurrez-edo, mezaren ostean bazkaltzera pagopera joan ziren bertaratutakoak. Baina zuhaitzak itxuraz ez ziren nahikoa izan euritik babesteko. Zaparrada hasi bezain laster dena batu eta Elgetara joan ziren herri-tarrak.

Asentzio Eguneko jaia, hortaz, herrian amaitu zuten elgetarrek. Bolo jokoa antolatu zuten, eta trikiti doinuekin txikiteoa egin zuten herriko tabernetan.



Asentzioko putzuaren inguruan bizikleta lasterketa egin zuten herriko umek.



Dantzarik ez zen falta izan Asentzio Eguneko jaietan.

ELKARRIZKETA

JOSU DE VEGA/DANBORRADAKO ANTOLATZAILEA

“Danborradan estreinatuko dugun Elgetako himnoa oso solemnea da”

I.A.

Berezkoa du Josu De Vegak danbor jotzaile sena. Gaztetan Elorrioko danborradan ibilitakoa izanik, Elgetan ere danborradaren beharra sumatu zuen, eta laugarren urtez jarraian antolatu du danborrada jaietan.

Zelan hasi zineten Elgetan danborrada antolatzen?

Lagun artean sortutako ideia da danborrada egitearena. Bertan geundenok danborra edo barrila jotzeko gogoz geunden. Gainera, nik gaztetan Elorrioko danborradan jotzen nuen, eta bertako antolatzaileekin harremanetan jarri eta Elgetan gurea egitea erabaki genuen. Aurten laugarren urtea izango da.

Aurten izango da berritasunik danborradan, ezta?


Hala da, bai: Elgetako himnoa aurkeztuko dugu aurtengo jaietan. Alfredo González Chirlaquek, Bergarako Musika Bandako zuzendariak, bereziki prestatu du guretako ereserkia. Orfeoira-ko konposatu zuen obra, eta horren moldaketa egin du danborradarako. Gainera, umek eta helduok batera joko dugunez, ekitaldia inoiz baino hunkigarriagoa izango dela uste dut.

Zelakoa da ereserkia?

Martxa izan arren, baliteke jendeak oso pieza solemnea dela pentsatzea. Donostiako martxaren antza du, danborradarako gainerako piezetatik zelanbait desberdintzen dena.

Danborradak badu estimaziorik elgetarren artean?

Urteotan jaietan jende gehien erakarri duen ekitaldia izan da. 200 lagun inguruk jardungo dute danborradan, eta Elgetan 1.000 biztanletik behera izanda, senide eta lagun artean jende asko inguratuko da. Oraindik ez dakigu plazan guztiok kabituko garen, eta pentsatzen ari gara lekua zelan antolatu denok sartzeko.



ARGAZKILARIA XXXXXXXXX

“Lagun artean pentsatu genuen danborrada antolatzea orain dela lau urte”

“Umek eta helduok batera joko dugu aurten, eta guztira 200 elgetarretik gora izango gara”

Aurten Intxorta elkarteak omentzeko duzue. Zelan egin duzue aukeraketa?

Urtero omentzen dugu norbait danborradan, eta aurten Intxorta aukeratzeko arrazoia danborradan elkarre horretako jende askok parte hartzen duela izan da.

Danborradako zein pieza aukeratu zenuke?

Aurten Elgetako himnoa berezia izango da, estreinaldiak beti bereziak izaten dira-eta. Baina nik gustuko ditut *Hau dok hau!* eta Mutrikuko himnoa, baita Deba-ko martxa ere.

BOLINAGA METALAK

SALBADOR 7
ELGETA 20690
GIPUZKOA
TEL: 943 76 80 64
FAX: 943 76 83 01

Aperribay, s.l.

Marmoldegi
eta granitoak

Pagatza indus. z/g.
Tel. eta faxa: 943 78 90 21

20690 ELGETA

RECYDE, S.A.

Pagatza pol. ind. 20690 ELGETA, Gipuzkoa
Tel. zentrala: 943 78 80 00. Faxa: 943 78 90 10
Posta elektronikoa: recyde@recyde.es

AENOR ER

Enpresa Erregistratua
ER-0182/2/95

ISO 9002
QS 9000
ISO/TS 16949

ERRETRATUZAHARRA

Murgizu anai-arrebak barraketan, 1962. urtearen inguruan

Alboko argazkia 1962. urtearen ingurukoa da. Itziar Murgizuk adierazi digunez, sasoi hartan barrakak gaurko Ibarrai kalean jartzen zituzten Pazkoetan. Hain zuzen ere, Miguel Altuna Ikastetxetik Etxepare liburu dendara doan tartean zuhaitzi bat zegoen, eta hantxe egoten ziren barrakak: karabina tiroketa, trapuzko piloten jaurtiketa, tonbolak, umeendako barrakak eta beste hainbat postu egoten ziren jaietan, barkilloak, gozokiz estalita-ko sagar erreak eta kukuru-txoak saltzen zituztenak tartean.

Zalantza barik, umeek pasatzen dute ondoen barraketan. Argazkian agertzen direnak Murgizu anai-arrebak dituzue: Josuren, Izaskun eta Itziar. Eta eurekin batera agertzen dena izeba Purita Bakaikoa da. Hor dituzue laurak, zintzo-zintzo, eguzkitako betaurreko dotoreekin, *Pedro Mari* izena zuen txalupa baten bidaia hasteko gertu. Antza, 1960ko hamarkada hasieran barraka gehienak egurrezkoak ziren.

Argazkia: Itziar Murgizu.

**ADI, IRAKURLE!**

Zure erretratu zaharra argitaratzea nahi izanez gero, zatoz BERRIGARAra (Irizar jauregia, Barrenkalea 33) edo Elgetako kultura etxera. Zain gaituzu!

LAGUN GARAJEA**ad**[®]

Tailer profesionala

Mekanika orokorra

**ZORIONAK
GUZTIOI!**

Santalaitz 3. Bergara. Tel.: 943 76 11 20



umelaga
JATETXEA

*Jai zoriontsuak izan
ditzazuela denok!*

San Antonio 5 BERGARA. Tel. 943 76 20 21

62 urte zuen zerbitzura!

Deutsche Post  World Net
MAIL EXPRESS LOGISTICS FINANCE



Festa zoriontsuak opa dizkizue

DHL Express Bergara - San Juan Erreka 33 - 20570 Bergara
Tel. 943 763 642 - Faxe 943 765 425

www.guipuzcoana.com



Opel Meriva berria



Opel. Ideia berriak. Auto hobeak.

%100 Meriva | %100 malgua



Konturatu zara malgua izanda etekin handiagoa ateratzen diozula bizitzari? Izan ere, horrela askatasun handiagoa daukazu. Bost, lau, hiru edo bi eserlekuren artean aukeratu gura duzu? Eserleku guztiak etzangarriak izatea gura duzu? Horiek aurrerantz eta atzerantz eraman ahal izatea gura duzu? Baita aldeatarantz ere? FlexSpace sistemak milaka aukera eskaintzen dizkizu. Zuretako egin dugu. Opel Meriva berria da.

Giauto Bergara

Kontzesionario ofiziala:

Olabarrena auzoa z/g. Tel. 943 76 33 44/45/46/47. BERGARA

www.giauto.es